

貞集總目

遼史精華
金史精華
元史精華
元史新編精華
明史精華

二十五史精華

元谷署檢



中外
名人
格言
彙編

不惑集

蔡元培題

哲人名言似金似玉時時閱讀增德增智

四版出書加入黨
國要人 林主席
汪前院長于院長
居院長孫院長等
五十餘位親筆題
詞賜予褒獎本書
之價值可想而知

原價國幣八角
特價五角六分

全書共分一百零五類。計五千餘條。洋洋
二十萬言。所搜材料。皆係中外古今先哲
名流之格言。精而博。純而宏。極爲名貴
。編選標準。以不違背時代精神爲原則。
而尤着重於切合實用。不尙空談。備此一
書。應用無窮。

本書以最美觀之仿宋體字排印。紙張潔白
。字跡明鮮。校勘正確。裝釘雅麗。且附
有黨國要人題詞六十四幀。尤爲名貴。全
書五百餘面。裝釘一大厚冊。

正心出版社出版 上海教育書店經售

遼史精華目次

本紀

太祖	一
太宗	五
世宗	七
天祚皇帝	八
警衛志	一五
行營	一五
部族	一七
兵衛志	一七
兵制	一九
地理志	二一
上京道	二二
禮志	二四
古儀	二五

凶儀

樂志

國樂

諸國樂

食貨志

刑法志

表

世表

列傳

后妃

太祖皇后述律氏

聖宗皇后蕭氏

宗室

義宗

章肅皇帝

耶律曷魯

蕭敵魯

阿古只

康默記

韓延徽

突呂不

王郁

耶律圖魯魯

趙延壽

高模翰

張勳

耶律屋質

耶律安搏

蕭思溫

四〇

四一

四二

四三

四四

四四

四五

四六

四七

四七

四九

五〇

五〇

五三

五四

遼史精華 目次

室昉	五五	耶律仁先	七一	轄底	八〇
張儉	五五	耶律儼	七二	蕭翰	八一
馬得臣	五六	蕭奉先	七三		
耶律隆運	五七	文學			
耶律休哥	五八	蕭韓家奴	七四		
耶律斜軫	六〇	能吏			
耶律學古	六一	馬人望	七五		
耶律沙	六二	卓引			
蕭幹	六二	蕭扎刺	七七		
蕭討古	六三	耶律官奴	七七		
蕭撻褒	六三	列女			
蕭柳	六四	耶律奴妻蕭氏	七八		
劉六符	六四	伶官			
蕭孝穆	六五	羅衣輕	七八		
蕭蒲奴	六六	姦臣			
耶律資忠	六七	耶律燕哥	七九		
楊佖	六八	蕭余里也	七九		
蕭惠	六九	逆臣			

遼史精華

本紀

太祖

太祖大聖大明神烈天皇帝，姓耶律氏，諱億，字阿保機，小字啜里只。契丹迭刺部，霞瀨益石烈鄉，耶律彌里人。德祖皇帝長子。唐咸通十三年生。體如三歲兒，卽能匍匐。祖母簡獻皇后異之，鞠爲己子。常匿於別幕，塗其面，不令他人見。三月能行，碎而能言。雖齟齬，言必及世務。時伯父當國，疑輒咨焉。旣長，身長九尺，豐上銳下，目光射人。關弓三百斤。爲撻馬狻沙里時，小黃室韋不附，太祖以計降之。伐越兀及烏古六奚比沙狻諸部，克之。國人號阿主沙里。唐天復元年，歲辛酉，痕德堇可汗立，以太祖爲本部夷离堇，專征討。連破室韋于厥，及奚帥轄刺哥，俘獲甚衆。明年秋七月，以兵四十萬，伐河東河北，攻下九郡，獲生口九萬五千，駝馬牛羊，不可勝紀。明年春，伐女直，下之，獲其戶三百。九月，復攻下河東懷遠等軍。冬十月，引軍略至薊北，俘獲以還。先是德祖俘奚七千戶，徙饒樂之清河。至是，創爲奚迭刺部，分十三縣，遂拜太祖于越，總知軍國事。明年歲甲子，三月，廣龍化州之東城。九月，討黑車子室韋。唐廬龍軍節度使劉仁恭，發兵數萬，遣養子趙霸來拒。霸至武州，太祖諜知之，伏勁兵桃山下。遣室韋人牟里，詐稱其酋長所遣，約霸兵會平原。旣至，四面伏發，擒霸，殲其衆，乘勝大破室韋。明年七月，復討黑車子室韋，唐河東節度使李克用，遣通事康令德乞盟。冬十月，太祖以騎兵七萬，會克用于雲州，宴酣，克用借兵，以報劉仁恭木瓜澗之役。太祖許之，易袍馬，約爲兄弟。及

遣兵擊仁恭，拔數州，盡徙其民以歸。明年二月，復擊劉仁恭，遷襲山北，奚破之。汴州朱全忠遣人浮海，奉書幣衣帶珍玩來聘。十一月，遣偏師討奚，奚諸部及東北女直之未附者，悉破降之。十二月，痕德堇可汗殂。羣臣奉遺命，請立太祖。曷魯等勸進，太祖三讓，從之。

元年春，正月庚寅，命有司設壇于如迂。王集會埒燔柴，告天，即皇帝位。尊母蕭氏爲皇太后，立皇后蕭氏。北宰相蕭轄刺、南宰相耶律歐里思，率羣臣上尊號曰：「天皇帝，后曰：地皇后。」

二年春，正月癸酉朔，御正殿，受百官及諸國使朝。

三年春正月，幸遼東。二月丁酉朔，梁遣郎公遠來聘。冬十月己巳，遣鷹軍討黑車子室韋，破之。

六年秋七月丙午，親征朮不姑，降之，俘獲以數萬計。命弟刺葛分兵攻平州。冬十月戊寅，刺葛破平州，還。復與迭刺寅底石安端等反。

七年春，正月甲辰朔，以用兵，免朝。甲寅，王師次赤水城，弟刺葛等乞降。上素服，乘赭白馬，以將軍耶律樂姑轄刺僅阿鉢爲御解兵器，肅侍衛，以受之。因加慰諭，刺葛等引退。上復數遣使撫慰。三月癸丑，次廬水，弟迭刺哥圖爲奚王，與安端擁千餘騎而至，給稱入覲。上怒曰：「爾曹始謀逆亂，朕特怒之，使改過自新。尙爾反覆，將不利於朕。」遂拘之，以所部分隸諸軍。而刺葛引其衆，至乙室董淀，具天子旗鼓，將自立。皇太后陰遣人諭令避去。會弭姑乃懷里陽言車駕且至，其衆驚潰，掠居民北走。上以兵追之，刺葛遣其黨寅底石引兵徑趨行宮，焚其輜重廬帳，縱兵大殺。皇后急遣蜀古魯救之，僅得天子旗鼓而已。其黨神速姑復劫西樓，焚明王樓。上至土河，秣馬休兵，若不爲意。諸將請急追之，上曰：「俟其遠遁，人各懷土，懷土旣切，其心必離。」

我軍乘之，破之必矣！」盡以先所獲資畜分賜將士，留夷、離畢直里姑總政務。夏四月戊寅，北追刺葛。己卯，次彌里，問諸弟。面木葉山，射鬼箭，厭禳。乃執叛人解里向彼，亦以其法厭之。至達里淀，選輕騎追及培只河，盡獲其黨，輜重生口先遣室韋及吐渾酋長拔刺迪里姑等五人，分兵伏其前路，命北宰相迪里古爲先鋒，進擊之。刺葛率兵逆戰，迪里古以輕兵薄之。其弟遏古只臨陣，射數十人斃，衆莫敢前。相拒至晡，衆乃潰。追至柴河，遂自焚其車乘，廬帳而去。前逼拔刺迪里姑等伏發，合擊，遂大敗之。刺葛奔潰，遺其所奪神帳於路，上見而拜奠之，所獲生口盡縱歸本土。其黨庫古只麻朵皆面縛請罪。師次札堵河，大雨暴漲。五月癸丑，遣北宰相迪輦率驍騎先渡。甲寅，奏擒刺葛。涅里袞阿鉢於榆河。前北宰相蕭實魯寅底石自剄不殊，遂以黑白羊祭天地。壬戌，刺葛涅里袞阿鉢詣行在，以囊索自縛，牽羊望拜。上還至大嶺，時大軍久出，輜重不相屬。士卒煮馬駒，採野菜以爲食。孳畜道斃者十七八，物價十倍。器服資貨委棄於楚里河，狼藉數百里。因更刺葛名暴里。

九年春正月，烏古部叛，討平之。冬十月，新羅遣使貢方物。高麗遣使進寶劍。吳越王鏐鑄遣滕彥休來貢。神冊元年，秋七月壬申，親征突厥，吐渾黨項小蕃沙陀諸部皆平之。俘其酋長及其戶萬五千六百，鎧甲兵仗器服九十餘萬，寶貨，驢馬，牛羊，不可勝算。八月，拔朔州擒節度使李嗣本，勒石紀功於奇塚南。

二年三月己未，于骨里叛，命室魯以兵討之。夏四月壬午，圍幽州，不克。六月乙巳，望城中有氣，如烟火狀。上曰：「未可攻也。」以大暑霖潦，班帥留魯盧國用守之。刺葛與其子饜保里叛，入幽州。秋八月，李存勳遣李嗣源等救幽州，魯魯等以兵少而還。

四年九月，征烏古部，遣聞皇太后不豫，一日馳六百里還侍。太后病間，復還軍中。冬十月丙午，次烏古部。天大風雪，兵不能進。上禱于天，俄頃而霽。命皇太子將先鋒軍，進擊破之。俘獲生口萬四千二百，牛馬車乘廬帳器物，二十餘萬，自是舉部來附。

五年春，正月乙丑，始製契丹大字。秋八月己未朔，黨項諸部叛。辛未，上親征。九月壬寅，大字成，詔頒行之。皇太子率迭刺部夷离董汗里軫等，略地雲內天德。冬十月辛未，攻天德。癸酉，節度使宋瑤降，賜弓矢鞍馬旗鼓，更其軍曰應天。甲戌，班師。宋瑤復叛。丙子，拔其城，擒宋瑤，俘其家屬，徙其民於陰山南。十二月己未，師還。

六年春正月丙午，以皇弟蘇爲南府宰相，迭里爲惕隱。南府宰相，自諸弟構亂，府之名族，多懼其禍，故其位久虛。以鋤得部轄得里只里古攝之府中，數請擇任宗室。上以舊制不可輒變，請不已，乃告于宗廟，而後授之。宗室爲南府宰相，自此始。

天贊元年，春二月庚申，復狗幽薊地。夏四月甲寅，攻薊州。戊午，拔之。辛未，攻石城縣，拔之。

二年春，正月丙申，大元帥堯骨克平州。二月如平州。三月戊寅，軍于箭筈山，討叛奚胡，獲之。射以鬼箭，誅其黨三百人，沉之狗河。置奚墮魂部，以勃魯恩權總其事。

天顯元年，春正月，庚申，拔扶餘城，誅其守將。丙寅，命惕穩安端，前北府宰相蕭阿古只等，將萬騎，爲先鋒。遇譚讓老相兵，破之。是夜，圍忽汗城。己巳，譚讓請降。辛未，譚讓素服囊索，牽羊，率僚屬三百餘人，出降。上優禮而釋之。丁丑，譚讓復叛，攻其城，破之。駕幸城中，譚讓請罪，馬前詔以兵圍譚讓，及族屬，以出祭告天地，復

還軍中。秋七月丙辰，鐵州刺史衛鈞反。乙丑，堯骨攻拔鐵州。甲戌，次扶餘府，上不豫。辛巳，上崩，年五十五。壬午，皇后稱制，權決軍國事。

太宗

太宗孝武惠文皇帝，諱德光，字德謹，小字堯骨，太祖第二子。唐天復二年生；及長，貌嚴重，而性寬仁。軍國之務，多所取決。天贊元年，授天下兵馬大元帥，尋詔統六軍，南徇地。明年，下平州，回破箭筈山，胡遜奚諸部悉降。復以兵掠鎮定，所至，皆堅壁不敢戰。天顯元年七月，太祖崩，皇后攝軍國事。明年秋，治祖陵畢。冬十一月壬戌，人皇王倍，率羣臣請于后曰：「皇子大元帥勳望，中外攸屬，宜承大統。」后從之，是日卽皇帝位。十一年七月丙申，唐河東節度使石敬瑭，爲其所討，遣趙瑩因西南路招討盧不姑求救。上白太后曰：「李從珂弑君自立，神人共怒，宜行天討。」時趙德鈞亦遣使至河東，復遣桑維翰來告急，遂許興師。八月己未，遣蕭轄里報河東師期。庚午，自將以援敬瑭。丁酉，入鴈門，戊戌，次忻州。己亥，次太原。庚子，遣使諭敬瑭曰：「朕興師遠來，當卽與卿破賊。」會唐將高行周、符彥卿，以兵來拒，遂勒兵陳于太原。及戰，佯爲之却。唐將張敬達、楊光遠，又陳于西，未成列，以兵薄之，而行周彥卿爲伏兵所斷，首尾不相救。敬達、光遠大敗，棄仗如山，斬首數萬級。敬達走保晉，安寨，夷、离、董的魯與戰，死之。敬瑭率官屬來見，上執手撫慰之。癸卯，圍晉安。甲辰，以旌其忠。冬十月甲子，封敬瑭爲晉王。幸其府，敬瑭與妻李率其親屬，捧觴上壽。初圍晉安，分遣精兵守其要害，以絕援兵之路。而李從珂遣趙延壽以兵二萬，屯柏谷，范延廣以兵二萬，屯遼州。幽州 趙德鈞，

以所部兵萬餘，由上黨遼延壽軍，合勢進擊。知此有備，皆逗遛不進。從珂遂將精騎三萬，出次河橋，親督諸軍。然知其不救，但日酣飲悲歌而已。丁卯，召敬瑋至行在所，賜坐上從容語之曰：「吾三千里舉兵而來，一戰而勝，殆天意也。觀汝雄偉弘大，宜受茲南土，世爲我藩輔。」遂命有司設壇晉陽，備禮冊命。十一月丁酉，冊敬瑋爲大晉皇帝。次潞州，召諸將議，皆請班師，從之。晉帝辭歸，上與宴飲，酒酣，執手約爲父子。以白貂裘一，廐馬二十，戰馬千二百，錢之命，迪、嵩畢將五千騎，送入洛，臨別謂之曰：「朕留此候，亂定乃還耳。」

會同元年，春正月戊申朔，晉及諸國遣使來賀。晉使且言已命和凝撰聖德神功碑。戊辰，遣人使晉。

九年五月庚戌，晉易州戍將孫方簡請內附。八月丙寅，烏古來貢。是月，自將南伐。九月壬辰，閱諸道兵于漁陽，西襄林淀。是月，趙延壽與晉張彥澤戰于定州，敗之。十一月戊子朔，進圍鎮州。丙申，先遣候騎報晉兵至，遣精兵斷河橋。晉兵退保武強，南院大王迪輦將軍高模翰分兵由瀛州間道以進。杜重威遣其將節度使梁漢璋率衆來拒，與戰，大敗之，殺梁漢璋。杜重威、張彥澤引兵據中渡橋，趙延壽以步卒前擊。高彥溫以騎兵乘之，追奔逐北，殪屍數萬，斬其將王清，宋彥筠墮水死，重威等退保中渡寨，義武軍節度使李殷以城降。遂進兵，夾澤、沱而營，去中渡寨三里。分兵圍之，夜則列騎環守，晝則出兵抄掠。復命大內、楊、隱、耶律、朔、骨里及趙延壽分兵圍守。自將騎卒，夜渡河，出其後，攻下欒城，降騎卒數千。分遣將士，據其要害。下令軍中，預備軍食，三日不得舉烟火，但獲晉人，卽黥而縱之。諸饋運見者，皆棄而走。於是晉兵內外隔絕，食盡勢窮。十二月丙寅，杜重威、李守貞、張彥澤等率所部二十萬衆來降。上擁數萬騎，臨大阜，立馬以受之。分降卒之半，付重威，半以隸趙延壽。命御史大夫解里，監軍傅桂兒、張彥澤，持詔入汴，諭晉帝母李氏，以安其意。且召桑

維翰景延廣先來留騎兵千人守魏，自率大軍而南。壬申，解里等至汴。晉帝重貴，素服拜命。與母李氏奉表請罪，初重貴絕和好，維翰數諫止之，不從。至是，彥澤殺維翰，給言自經死。詔收葬之，復其田園地宅，仍厚恤其家。甲戌，彥澤遷重貴及其母若妻於開封府署，以控鶴指揮使李榮督兵衛之。壬午，次赤岡，重貴舉族出封丘門，羶索牽羊以待。上不忍臨視，命改館封禪寺。晉百官縞衣紗帽，俯伏待罪。上曰：「其主負恩，其臣何罪？」命領職如故。

大同元年春正月丁亥朔，備法駕入汴，御崇元殿，受百官賀。重貴爲崇祿大夫，檢校太尉，封負義侯。癸巳，二月丁巳朔，建國號大遼，大赦改元大同，升鎮州爲中京。夏四月丙辰朔，發自汴州，以馮道、李崧和凝、李瀚、徐台符、張礪等從行。乙丑，濟黎陽渡。顧謂侍臣曰：「朕此行有三失：縱兵掠芻粟，一也；括民私財，二也；不遽遣諸節度還鎮，三也。」皇太弟遣使問軍前事，上報曰：「初以兵二十萬降杜重威、張彥澤，下鎮州。及入汴，視其官屬具員者，省之；當其才者，任之。司屬雖存，官吏廢墮，猶雜飛之後，徒有空巢。久經離亂，一至於此。所在盜賊屯結，土功不息。餽餉非時，民不堪命。河東尙未歸命，西路尙帥，亦相黨附，夙夜以思制之之術。惟推心庶僚，和協軍情，撫綏百姓，三者而已。今所歸順，凡七十六處，得戶一百九萬百一十八。非汴州炎熱，水土難居，止得一年太平，可指掌而致。且改鎮州爲中京，以備巡幸。欲伐河東，姑俟別圖。」其概如此。戊辰，次高邑，不豫。丁丑，崩于欒城，年四十六。

世宗

世宗孝和莊憲皇帝諱阮小字兀欲讓國皇帝長子母柔貞皇后蕭氏帝儀觀豐偉內寬外嚴善騎射樂施予人望歸之太宗愛之如子會同九年從伐晉大同元年二月封永康王四月丁丑太宗崩於欒城戊寅梓宮次鎮陽卽皇帝位於板前太后聞帝卽位遣太弟李胡率兵拒之六月甲寅朔次南京秋閏七月次濱河太后李胡整兵拒於橫渡相持數日用屋質之謀各罷兵趁上京旣而聞太后李胡復有異謀遷于祖州八月壬午朔尊母蕭氏爲皇太后九月壬子朔葬嗣聖皇帝與懷陵丁卯行柴冊禮羣臣上尊號曰天授皇帝大赦改大同元年爲天祿元年

二年春正月天德蕭翰劉哥益都等謀反誅天德杖蕭翰遷劉哥於邊罰益都使轄憂斯國十一月駐蹕彰武南

三年春正月蕭翰及公主阿不里謀反翰伏誅阿不里瘦死獄中秋九月辛丑朔召羣臣議南伐冬十月遣諸將率兵攻下貝州高老鎮狗地鄴都南宮堂陽俘獲甚衆

四年秋九月乙丑朔如山西冬十月自將南伐攻下安平內丘束鹿等城大獲而還

五年春正月癸亥朔如百泉湖漢郭威弒其主自立國號周遣朱憲來告卽遣使致良馬漢劉崇自立於太原二月周遣姚漢英華昭胤來以書辭抗禮留漢英等六月辛卯朔劉崇爲周所攻遣使稱姪乞援且求封冊卽遣燕王牒麟樞密使高勳冊爲大漢神武皇帝南唐遣蔣洪來乞舉兵應援是夏清暑百泉嶺九月庚申朔自將南伐壬戌次歸化州祥古山癸亥祭讓國皇帝于行宮羣臣皆醉察割反帝遇弒年三十四

天祿皇帝

天祚皇帝諱延禧，字延寧，小字阿果。道宗之孫，父順宗大孝順聖皇帝，母貞順皇后蕭氏。太康元年生，六歲封梁王，加守太尉兼中書令。後三年，進封燕國王。大安七年，總北南院樞密使事，加尙書令，爲天下兵馬大元帥。壽隆七年，正月甲戌，道宗崩，奉遺詔卽皇帝位于柩前，羣臣上尊號曰天祚皇帝。二月壬辰朔，改元乾統。

二年辛亥六月丙午，夏國王李乾順復遣使請尙公主。壬子，李乾順爲宋所攻，遣李造福田若水求援。五年春，正月乙亥，夏國遣李造福等來求援，且乞伐宋。丁酉，遣樞密直學士高瑞禮等，諷宋罷伐夏兵。十二月己巳，夏國復遣李造福田若水求援。癸酉，宋遣林洙來議，與夏約和。

天慶元年，春正月，釣魚于鴨子河。三月乙亥，五國部長來貢。

二年春正月己未朔，如鴨子河。丁丑，五國部長來貢。二月丁酉，如春州，幸混同江釣魚。界外生女直酋長，在千里內者，以故事皆來朝。適遇頭魚宴，酒半酣，上臨軒命諸酋次第起舞。獨阿骨打辭以不能，諭之再三，終不從。他日，「上密謂樞密使蕭奉先曰：『前日之燕，阿骨打意氣雄豪，顧視不常。可託以邊事誅之。否則必貽後患。』奉先曰：『龕人不知禮義，無大過而殺之，恐傷向化之心。假有異志，又何能爲？其弟吳乞買粘罕胡舍等，嘗從獵，能呼鹿刺虎搏熊。』上喜，輒加官爵。初，阿骨打混同江宴，疑上知其異志，遂稱兵，先併旁近部族。女直趙三阿鶻產拒之，阿骨打虜其家屬。二人走訴咸州詳穩司，送北樞密院。樞密使蕭奉先作常事以聞，上仍送咸州詰責，欲使自新。後數召，阿骨打竟稱疾不至。

三年三月，阿骨打一日率五百騎，突至咸州，吏民大驚。翌日，赴詳穩司，與趙三等面折庭下。阿骨打不屈，

送所司問狀。一夕遁去，遣人訴于上，謂：詳穩司欲見殺，故不敢留；自是召不復至。

四年春正月，如春州。初，女直起兵，以紇石烈部人阿疎不從，遣其部撤改討之。阿疎弟秋故保來告，詔諭使勿討，不聽。阿疎來奔，至是女直遣使來索，不發。秋七月，女直復遣使取阿疎，不發。乃遣侍御阿息保問境上多建城堡之故，女直以慢語答曰：『若還阿疎，朝貢如故。不然，城未能已。』遂發渾河北諸軍，益東北路統軍司。阿骨打乃與弟粘罕、胡舍等謀，以銀尤割移烈、婁室、閣母等爲帥，集女直諸部兵，擒遼障虜官，及攻寧江州，東北路統軍司以聞。時上在慶州射鹿，聞之，略不介意。遣海州刺史高仙壽統渤海軍應援蕭撻不也。遇女直戰于寧江東，敗績。十月壬寅，以守司空蕭嗣先爲東北路都統，靜江軍節度使蕭撻不也爲副，發契丹奚軍三千人，中京禁兵及土蒙二千人，別選諸路武勇二千餘人，以虞侯 崔公義爲都押官，控鶴指揮邢穎爲副，引軍屯出河店。兩軍對壘，女直軍潛渡混同江，掩擊遼衆。蕭嗣先軍潰，崔公義、邢穎、律佛、留蕭、葛十等死之。其獲免者，十有七人。蕭奉先懼其弟嗣先獲罪，輒奏東征潰軍，所至劫掠。若不肆赦，恐聚爲患。上從之，嗣先但免官而已。諸軍相謂曰：『戰則有死而無功，退則有生而無罪。』故士無鬪志，望風奔潰。十一月壬辰，都統蕭敵里等營于幹鄰、灤東，又爲女直所襲，士卒死者甚衆。辛丑，以西北路招討使耶律幹里朵爲行軍都統，副點檢蕭乙薛同，知南院樞密使事耶律章奴副之。十二月，咸賓、祥三州及鐵驪、兀惹皆叛入女直。乙薛往援賓州，南軍諸將實婁特烈等往援咸州，並爲女直所敗。

五年春正月，下詔親征。遣僧家奴持書約和，斥阿骨打名。阿骨打遣饗刺，復書：若歸叛人阿疎，遷黃龍府於別地，然後議之。都統耶律幹里朵等與女直兵戰于達魯古城，敗績。二月，饒州、渤海、古欲等反，自稱大王。

三月，以蕭謝佛留等討之。遣耶律張家奴等六人，齎書使女直，斥其主名，冀以速降。夏四月癸丑，蕭謝佛留等，爲渤海古欲所敗。以南面副部署蕭陶蘇幹爲都統，赴之。五月，陶蘇幹及古欲戰，敗績。張家奴等以阿骨打書來，復遣之往。六月壬子，張家奴等還，阿骨打復書，亦斥名諭之，使降。癸丑，以親征諭諸道。丙辰，陶蘇幹招獲古欲等。是月，遣蕭辭刺使女直，以書辭不屈，見留。秋七月辛未，宋遣使致助軍銀絹。是月，都統幹里朵等，與女直戰于白馬濼，敗績。八月丙寅，以圍場使阿不爲中軍都統，耶律張家奴爲都監，率番漢兵十萬，蕭奉先充御營都統，諸行營都部署耶律章奴爲副，以精兵二萬爲先鋒。餘分五部爲正軍，貴族子弟千人爲硬軍，扈從百司爲護衛軍，北出駱駝口。以都點檢蕭胡覩姑爲都統，樞密直學士柴誼爲副將，漢步騎三萬，南出寧江州。自長春州分道而進，發數月糧，胡必滅女直。九月丁卯朔，女直軍陷黃龍府。冬十一月，遣駙馬蕭特末林牙蕭察刺等將騎兵五萬，步卒四十萬，親軍七十萬，至駝門。十二月乙巳，耶律張家奴叛。戊申，親戰于護步答岡，敗績，盡亡其輜重。己未，錦州刺史耶律尤者叛，應張家奴。庚申，北面林牙耶律馬哥討張家奴。

六年二月戊辰，侍御司徒撻不也等，討張家奴，戰于祖州，敗績。戊子，張家奴誘饒州渤海及中京賊侯概等，萬餘人，攻陷高州。夏四月戊辰，親征張家奴。癸酉，敗之。甲戌，誅叛黨。饒州渤海平。五月，女直軍攻下瀋州，復陷東京。

七年春正月，女直軍攻春州，東北面諸軍，不戰自潰。女古皮室四部，及渤海人，皆降。復下泰州。二月，濼水縣賊董龐兒，聚衆萬餘。西京留守蕭乙薛南京統軍都監查刺，與戰于易水，破之。三月，龐兒黨復聚，乙薛復

擊破之于奉聖州。十二月丙寅，都元帥秦晉國王淳遇女直軍，戰于蒺藜山，敗績。女直復拔顯州，旁近州郡是歲，女直阿骨打用鐵州楊朴策，即皇帝位，建元天輔，國號金。楊朴又言自古英雄開國，或受禪，必先求大國封冊，遂遣議和，以求封冊。

八年春正月丁亥，遣耶律奴哥等使金議和。二月，耶律奴哥還自金，金主復書曰：「能以兄事朕，歲貢方物，歸我上中京，興中府三路州縣，以親王公主駙馬大臣子孫爲質，還我行人，及元給信符，并宋夏高麗往復書詔表牒，則可以如約。」三月甲午，復遣奴哥使金。五月壬午朔，奴哥以書來約，不踰此月見報。戊戌，復遣奴哥使金，要以酌中之議。是月，金主遣胡突袞與奴哥持書報，如前約。六月丁卯，遣奴哥等齎宋夏高麗書詔表牒至金。秋七月，金復遣胡突袞來，免取質子，及上京興中府所屬州郡，裁減歲幣之數。如能以兄事朕，冊用漢儀，可以如約。八月庚午，遣奴哥突迭使金，議冊禮。九月，突迭見留，遣奴哥還，謂之曰：「言如不從，勿復遣使。」閏月丙寅，遣奴哥復使金，而蕭寶訛里等十五人，各率戶，降于金。冬十月，奴哥突迭持金書來，龍化州張應古等四人，率衆降金。十二月甲申，議定冊禮，遣奴哥使金。寧昌軍節度使劉宏，以懿州戶三千降金。

九年春正月，金遣烏林答贊謨持書來迎冊。三月丁未朔，遣知右夷離畢事蕭習泥烈等，冊金主爲東懷國皇帝。

十年春二月，金復遣烏林答贊謨持書，及冊文副本以來，仍責乞兵于高麗。庚申，以金人所定大聖二字，與先世稱號同，復遣習泥烈往議。金主怒，遂絕之。五月，金主親攻上京，克外郭，留守撻不也率衆出降。

保大元年春，正月丁酉朔，改元肆赦。初，金人興兵，郡縣所失幾半。

二年春正月乙亥，金克中京，進下澤州。上出居庸關，至鶯鶯灤，聞余覲引金人婁室孛堇奄至。蕭奉先曰：「余覲乃王子班之苗裔，此來欲立甥晉王耳。若爲社稷計，不惜一子。明其罪誅之，可不戰而余覲自迴矣。」上遂賜晉王死，素服三日。耶律撒八等皆伏誅。王素有人望，諸軍聞其死，無不流涕，由是人心解體。余覲引金人逼行宮，上率衛兵五千餘騎，幸雲中，遺傳國璽于桑乾河。己亥，金師敗奚王霞末于北安州，遂降其城。三月辛酉，上聞金師將出嶺西，遂趨白水灤。丙寅，上至女古底倉，聞金兵將近，計不知所出。乘輕騎入夾山。方悟奉先之不忠，怒曰：「汝父子誤我至此。今欲誅汝，何益于事？恐軍心忿怨爾曹，避敵苟安，禍必及我，其勿從行。」奉先下馬哭拜而去。行未數里，左右執其父子，縛送金兵。金人斬其長子昂，以奉先及其次子昱械送金主。道遇遼軍，奪以歸國，遂並賜死。初，詔留宰相張琳、李處溫與秦晉國王淳守燕。處溫聞上入夾山，數日命令不通。卽與弟處能、子奭，外假怨軍，內結都統蕭幹，謀立淳。遂與諸大臣耶律大石、左企弓、虞仲文、曹勇義、康公弼、集蕃漢百官諸軍及父老數萬人，詣淳府。處溫等請淳受禮，淳方出，李奭持赭袍被之，令百官拜舞山呼。淳驚駭，再三辭，不獲已而從之。於是肆赦，自稱天錫皇帝，改元建福。降封天祚爲湘陰王。遂據有燕雲平及上京、遼西六路。天祚所有沙漠已北，西南西北路兩都招討府諸蕃部族而已。夏四月辛卯，西南面招討使耶律佛頂降金。雲內寧邊東勝等州皆降。阿疎爲金兵所擒。金已取西京，沙漠以南部族皆降。上遂遁於訛莎烈。時六月，淳寢疾，聞上傳檄天德、雲內、朔武、應蔚等州，合諸蕃精兵五萬騎，約以八月入燕。并遣人問勞，索衣裘茗藥。淳甚驚，命南北面大臣議，而李處溫、蕭幹等有迎秦拒湘之說，集蕃漢百官議。